

**BOSNA I HERCEGOVINA  
FEDERACIJA BOSNE I HERCEGOVINE  
Federalna agencija za upravljanje oduzetom imovinom**

**IZVJEŠTAJ**

**O RADU I FINANSIJSKO-MATERIJALNOM POSLOVANJU  
FEDERALNE AGENCIJE ZA UPRAVLJANJE ODUZETOM IMOVINOM  
ZA PERIOD 01.07. – 31.12.2016. GODINE**

Sarajevo, januar/siječanj 2017. godine

## S A D R Ž A J

1. UVOD	3
2. NADLEŽNOST AGENCIJE	4
3. RUKOVOĐENJE I ORGANIZACIJA AGENCIJE	5
3.1. Rukovođenje	5
3.2. Organizacija	5
4. STRATEŠKI CILJEVI	6
4.1. Uspostavljanje uvjeta za rad Agencije	7
4.2. Stvaranje uvjeta za preuzimanje imovine i upravljanje sa istom u skladu sa Zakonom	9
4.3. Razvijanje odgovarajuće metodologije za prikupljanje podataka, statističkih izvještaja i drugih informacija, potrebnih za provođenje stručnih analiza iz nadležnosti Agencije	11
4.4. Uspostavljanje saradnje sa drugim nadležnim institucijama radi obuke državnih i policijskih službenika i nosilaca pravosudnih funkcija iz oblasti finansijskih istraga i oduzimanja imovinske koristi pribavljene krivičnim djelom	11
4.5. Stvaranje finansijskih preduvjeta za rad Agencije	14
4.6. Izvještavanje Vlade Federacije, a po potrebi i Parlamenta Federacije, kao i cjelokupne javnosti o procesima oduzimanja i upravljanja nezakonito stečenom imovinom	22
5. FAKTORI USPJEHA RADA I RIZICI	23

Na osnovu člana 29. Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14), a u vezi sa čl. 17. i 18. Uredbe o planiranju rada i izvještavanju o radu Vlade Federacije Bosne i Hercegovine, federalnih ministarstava i institucija („Službene novine Federacije BiH“, br.89/14 i 107/14), te Zaključka Vlade Federacije Bosne i Hercegovine o davanju saglasnosti na Plan rada Federalne agencije za upravljanje oduzetom imovinom za 2016. godinu V.broj: 283/2016 od 02.02.2016. godine, direktor Federalne agencije za upravljanje oduzetom imovinom Vladi Federacije Bosne i Hercegovine p o d o n o s i

## **I Z V J E Š T A J**

### **O RADU I FINANSIJSKO-MATERIJALNOM POSLOVANJU FEDERALNE AGENCIJE ZA UPRAVLJANJE ODUZETOM IMOVINOM ZA PERIOD 01.07. – 31.12.2016. GODINE**

#### **1. UVOD**

Federalna agencija za upravljanje oduzetom imovinom (u dalnjem tekstu: Agencija) je nezavisna i samostalna upravna organizacija osnovana Zakonom o oduzimanju nezakonito stečene imovine krivičnim djelom („Službene novine Federacije BiH“, broj 71/14).

Propisi u Federaciji Bosne i Hercegovine koji definiraju ovu oblast, a samim tim utiču na rad Agencije, osim navedenog Zakona o oduzimanju nezakonito stečene imovine krivičnim djelom („Službene novine Federacije BiH“, broj 71/14 - u dalnjem tekstu: Zakon), su Krivični zakon Federacije Bosne i Hercegovine („Službene novine Federacije BiH“, br. 36/03, 37/03, 21/04, 69/04, 18/05 i 42/10), Zakon o izvršnom postupku Federacije Bosne i Hercegovine („Službene novine Federacije BiH“, br. 32/03 i 33/06), Pravilnik o postupku prodaje, najma, čuvanja i održavanja oduzete imovine („Službene novine Federacije BiH“, broj 5/16), Odluka o utvrđivanju kriterija obračuna troškova čuvanja i održavanja privremeno oduzete imovine („Službene novine Federacije BiH“, broj 60/16) i Uputstvo o načinu provođenja postupka javnog nadmetanja prodaje trajno oduzete imovine („Službene novine Federacije BiH“, broj 57/16).

Pitanja koja se odnose na izvršenje novčanih kazni, sankcija za privredne prestupe, prekršajnih sankcija i mjera sigurnosti, a koje nisu regulirane Zakonom o izvršenju krivičnih sankcija u Federaciji Bosne i Hercegovine („Službene novine Federacije BiH“, br. 44/98, 42/99 i 12/09), uređena su kantonalnim zakonima.

Na osnovu navedenih zakona, Agencija preuzima i upravlja oduzetom imovinom nezakonito stečenom krivičnim djelom.

Agencija je samostalna federalna upravna organizacija koja ima svojstvo pravnog lica.

Zakon je utvrdio da je sjedište Agencije u Sarajevu.

U okviru svoje nadležnosti Agencija ima javna ovlaštenja za donošenje podzakonskih akata kojima se uređuje način djelovanja Agencije.

Na radnopravni status osoba zaposlenih u Agenciji primjenjuju se odredbe Zakona o državnoj službi u Federaciji Bosne i Hercegovine ("Službene novine Federacije BiH", br. 29/03, 23/04, 39/04, 54/04, 67/05, 8/06, 4/12, 99/15i 99/15) i Zakona o namještenicima u Federaciji Bosne i Hercegovine ("Službene novine Federacije BiH", broj 49/05) i Zakona o radu ("Službene novine Federacije BiH", broj 26/16).

## 2. NADLEŽNOST AGENCIJE

Nadležnosti Agencije utvrđene su članom 30. Zakona i to:

- upravljanje privremeno oduzetom i oduzetom imovinom po odredbama Zakona i drugih zakona;
- provođenje analiza u području oduzimanja imovinske koristi pribavljene krivičnim djelom;
- stručna edukacija iz područja finansijskih istraga i oduzimanja imovinske koristi pribavljene krivičnim djelom, i
- obavljanje i drugih poslova propisanih Zakonom.

Agencija u provođenju svojih nadležnosti obavlja sljedeće poslove:

- skladišti, čuva, prodaje, vrši najam imovine oduzete na osnovu Zakona. Ako za to postoji opravdana potreba, ovu imovinu Agencija može povjeriti na čuvanje drugoj instituciji o čemu se zaključuje poseban ugovor;
- vrši stručnu procjenu vrijednosti privremeno oduzete i oduzete imovine po odredbama ovog i drugih zakona;
- vodi evidencije o imovini kojom raspolaže i upravlja, sudskim postupcima u kojima se odlučuje o takvoj imovini;
- prikuplja od nadležnih institucija podatke, statističke izvještaje i druge informacije iz pravomoćno okončanih postupaka za oduzimanje imovinske koristi u skladu sa Zakonom, sa ciljem obrade i analize tih podataka i informacija, uočavanja trendova u vršenju krivičnih djela iz kojih se pribavlja imovinska korist;
- prikuplja informacije iz sudske registre, Porezne uprave, Registra vrijednosnih papira i drugih javnih registara koji se tiču vlasništva nad imovinom;
- vrši analize i procjene rizika sa ciljem identifikacije faktora i okolnosti koji pogoduju pribavljanju imovinske koristi iz vršenja krivičnih djela;
- objavljuje redovne i godišnje izvještaje o stanju u oblasti oduzimanja imovinske koristi pribavljene krivičnim djelom, te ih dostavlja Vladi Federacije Bosne i Hercegovine (u daljem tekstu: Vlada Federacije) i Parlamentu Federacije Bosne i Hercegovine (u dalnjem tekstu: Parlament Federacije);
- obavještava Vladu Federacije i Parlament Federacije o rezultatima analiza u području provođenja zakona ili drugih propisa o finansijskim istragama i oduzimanju imovinske koristi pribavljene krivičnim djelom;

- inicira i daje preporuke za unapređenje pravnih propisa u oblasti provođenja finansijskih istraživačkih postupaka i oduzimanja imovinske koristi pribavljenim krivičnim djelom;
- sačinjava prijedlog Strategije za oduzimanje imovinske koristi pribavljenim krivičnim djelom u Federaciji Bosne i Hercegovine (u daljem tekstu: Strategija) i Akcionog plana za njeno izvršenje, te ih upućuje Vladi Federacije i Parlamentu Federacije na usvajanje;
- koordinira i prati provođenje Strategije i Akcionog plana, te daje mišljenja i preporuke za njihovo efikasnije provođenje, i
- u saradnji sa drugim nadležnim institucijama učestvuje u obuci državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljenim krivičnim djelom.

Agencija poslove iz svoje nadležnosti obavlja samostalno u granicama ovlaštenja utvrđenih Zakonom i drugim propisima, te u okviru raspoloživih finansijskih sredstava i odobrenog broja izvršilaca od strane Vlade Federacije.

### **3. RUKOVOĐENJE I ORGANIZACIJA AGENCIJE**

Rukovođenje Agencijom je utvrđeno u članu 26.stav (2) i (3) Zakona, dok su ovlasti direktora, poslovi organizacionih jedinica i ostala pitanja vezana za organizaciju, upravljanje i rukovođenje organizacionim jedinicama razrađeni Pravilnikom o unutrašnjoj organizaciji Federalne agencije za upravljanje oduzetom imovinom na koji je Vlada Federacije Bosne i Hercegovine dala saglasnost Odlukom V. broj: 1208/2016 od 08.06.2016. godine („Službene novine Federacije BiH“, broj 46/16), kao i drugim pravilnicima i aktima koji se odnose na radne odnose i cijekupno funkcioniranje Agencije.

#### **3.1. Rukovođenje**

Po Pravilniku o unutrašnjoj organizaciji Federalne agencije za upravljanje oduzetom imovinom direktor Agencije, kao jedino rukovodno lice, rukovodi radom Agencije i vrši poslove utvrđene članom 28. Zakona.

#### **3.2. Organizacija**

Pravilnikom o unutrašnjoj organizaciji Agencije, predviđeno je da poslove i zadatke izvršavaju 22 uposlenika, organizovana u tri organizacione jedinice i to:

1. Službi za preuzimanje i upravljanje oduzetom imovinom,
2. Službi za edukaciju i analitičko-strateške poslove i
3. Službi za kadrovske, finansijske i opće poslove.

U 2016. godini Vlada Federacije Bosne i Hercegovine je Zaključkom broj: 932/2016 od 15.04.2016. godine dala saglasnost za raspisivanje internog konkursa za prijem šest državnih službenika i internog oglasa za prijem tri namještene. Na osnovu internog konkursa primljena su dva državna službenika kao i na osnovu internog oglasa

jedan namještenik. Kako navedenim konkursom i oglasom nisu popunjena radna mjesta na koja je Vlada Federacije Bosne i Hercegovine dala saglasnost, raspisan je javni konkurs za prijem još četiri državna službenika i javni oglas za tri namještenika. Po navedenom konkursu odnosno oglasu u izvještajnom periodu primljen je jedan državni službenik i dva namještenika, dok je procedura za prijem ostala tri državna službenika u toku. Za jednog namještenika – blagajnika nije izvršen izbor s obzirom na činjenicu da su se na javni oglas javili kandidati koji nisu posjedovali radno iskustvo iz oblasti blagajničkih poslova.

Svi poslovi iz nadležnosti Agencije koji su izvršeni u izvještajnom periodu su obavljeni unutar navedenih organizacionih jedinica sa raspoloživim brojem uposlenika, kao i nastavkom uspostavljenih ugovornih odnosa sa kvalificiranim fizičkim licima.

#### **4. STRATEŠKI CILJEVI**

Godišnjim Planom rada Agencije za 2016. godinu uglavnom je bilo planirano stvoriti dobru osnovu za obavljanje zakonskih nadležnosti Agencije u narednim godinama.

Agencija je, u okviru svojih zakonskih ovlasti i obaveza i učinkovitog izvršavanja povjerenih poslova, planirala izvršenje sljedećih strateških ciljeva u 2016.godini:

- 1) Stvoriti uvjete za preuzimanje imovine i upravljanje sa istom u skladu sa Zakonom;
- 2) Razviti odgovarajuću metodologiju za prikupljanje podataka, statističkih izvještaja i drugih informacija potrebnih za provođenje stručnih analiza iz nadležnosti Agencije, a koja će biti osnova za utvrđivanje metodologije za izradu prijedloga Strategije za oduzimanje imovinske koristi stečene krivičnim djelom i Akcionog plana za provođenje Strategije;
- 3) Uspostaviti saradnju sa drugim nadležnim institucijama radi obuke državnih i policijskih službenika i nosilaca pravosudnih funkcija iz oblasti finansijskih istraga i oduzimanja imovinske koristi pribavljene krivičnim djelom;
- 4) Stvoriti finansijske preduvjete za rad Agencije, i
- 5) U skladu sa zakonskim obavezama, izvještavati Vladi Federacije, a po potrebi i Parlament Federacije kao i cijekupnu javnost o procesima oduzimanja i upravljanja nezakonito stečenom imovinom.

Navedeni strateški ciljevi i aktivnosti Agencije u 2016. godini su u cijelosti bili usklađeni sa odobrenim finansijskim sredstvima u Budžetu Federacije Bosne i Hercegovine za 2016. godinu, na razdjelu 15, glava 1501- Federalno ministarstvo pravde, ekonomski kod 6143 - „Tkući transferi neprofitnim organizacijama – Federalna agencija za upravljanje oduzetom imovinom“ („Službene novine Federacije BiH“, broj 102/15), u ukupnom iznosu od 500.000 KM (slovima: pet stotina hiljada KM).

#### **4.1. Uspostavljanje uvjeta za rad Agencije**

S obzirom na činjenicu da je u prvoj polovini 2016. godine započeto sa izvršavanjem dalnjih radnji za uspostavljanje njenog zakonitog djelovanja, u drugoj polovini 2016. godine, odnosno u izvještajnom periodu je nastavljeno sa istim aktivnostima, te je obezbjeđen kancelarijski i skladišni prostor i izvršena nabavka službenog vozila.

**4.1.1.** Kad je u pitanju kancelarijski prostor, u cilju obezbjeđenja adekvatnih prostorija za daljnji uspješan rad, Vlada Federacije Bosne i Hercegovine je na svojoj 65. sjednici od 18.08.2016. godine donijela Odluku o zakupu poslovnog prostora u Sarajevu za smještaj Agencije, V broj: 1605/2016 („Službene novine Federacije BiH“, broj 67/16). Na osnovu navedene Odluke Vlade, Agencija je dana 01.09.2016. godine sa Javnim preduzećem Željeznice Federacije BiH d.o.o. Sarajevo zaključila Ugovor broj 01-72/2016 od 01.09.2016. godine o zakupu poslovnog prostora na prvom spratu krila „B“ zgrade željezničke stanice u ulici Put života broj 2, Sarajevo, površine 201.30 m<sup>2</sup> i dva parking mjesta na parkingu u neposrednoj blizini poslovnog prostora, za period od tri godine.

Nakon obezbjeđenja smještajnih kapaciteta, pristupilo se opremanju istih. U skladu sa Planom javnih nabavki za 2016. godinu nabavljen je kancelarijski namještaj i kompjuterska oprema, kao i niz drugih nabavki u skladu sa Planom i Zakonom o javnim nabavkama, čime su stvoreni dobri uvjeti za buduće djelovanje Agencije. Prilikom nabavke osnovnih sredstava, vodilo se računa da ista ispunjavaju uvjete za dobijanje sigurnosno-bezbjednosnih certifikata.

Pored toga, upriličen je sastanak sa predstavnicima Ministarstva sigurnosti Bosne i Hercegovine koji su iskazali spremnost da se aktivno uključe u stvaranje uvjeta za obezbjeđenja personalne, fizičke, dokumentacione i informatičke sigurnosti.

Podsredstvom Ministarstva sigurnosti Agencija je aplicirala i za dobijanje informatičke opreme od Ministarstva unutrašnjih poslova Republike Italije u okviru Projekta IPA 2013 Western Balkans, te je krajem izvještajnog perioda dobijena informacija da je u toku nabavka navedene opreme i da će ista biti isporučena Agenciji početkom naredne godine.

Nakon opremanja kancelarijskih prostorija, Agencija je donijela Odluku broj 04-14-78/16 od 05.09.2016. godine o provođenju postupka javne nabavke tehničke zaštite poslovnog prostora. Na osnovu navedene Odluke, a nakon provedenog postupka, sklopljen je Ugovor broj 01-23-140/16 sa Agencijom za zaštitu ljudi i imovine „Securitas“ d.o.o. o pružanju usluga protuprovalnog obezbjeđenja i najma opreme. Agencija je takođe sklopila i ugovor o pružanju usluga zaštite od požara broj 01-23-132/2016 od 11.10.2016. godine sa firmom "Vatrosistemi" d.o.o. Sarajevo.

**4.1.2.** Osim navedenog kancelarijskog prostora, Vlada Federacije Bosne i Hercegovine je na svojoj 49. sjednici od 15.04.2016. godine donijela Odluku V. broj: 898/2016 („Službene novine Federacije BiH“, broj 30/16) o davanju na korištenje Agenciji dijela objekta Federalnog ministarstva unutrašnjih poslova površine od 133 m<sup>2</sup> u okviru objekta kompleksa „Rakovica“, bez naknade, za odlaganje oduzete imovine.

Na osnovu navedene odluke dana 11.07.2016. godine izvršena je primopredaja hangara 11 i 12 u okviru objekata kompleksa „Rakovica“ između predstavnika Agencije i Federalnog ministarstva unutrašnjih poslova, o čemu je sačinjen Zapisnik o primopredaji broj 01-07-07/2-23-1-28 od 11.07.2016. godine.

Sigurnosno obezbjeđenje navedenog prostora, obavljaju policijski službenici Federalne uprave policije, u sklopu obezbjeđivanja kompletног skladiшног prostora kompleksa „Rakovica“.

Kad je u pitanju nabavka osnovnih sredstava za rad, bitno je istaći da je uspostavljena vrlo dobra saradnja sa predstavnicima USAID-a, gdje je dogovoren da će USAID pružiti maksimalnu tehničku podršku Agenciji, te učestvovati i u opremanju skladiшног prostora sa svom neophodnom opremom.

S obzirom na činjenicu da su stvorene pretpostavke za rad Agencije, upućen je zahtjev USAID-u da skladišni prostor opremi sa paletnim regalom, profesionalnim modularnim skladiшним policama, ručnim paletnim viljuškarom, radnom stanicom sa pločom za alat, ručnim kolicima, radnim stolom, sredstvima za sastavljanje i rastavljanje jediničnih tereta, sredstvima za određivanje mjere i težine, brojačem novčanica, industrijskom visećom rasvjetom i foto aparatom. Ovaj proces saradnje nastavit će se u narednoj godini, te će tada biti jasnije šta će od navedene opreme skladišta doista biti donirano Agenciji.

**4.1.3.** Kako bi Agencija efektivno i efikasno postupala u skladu sa zakonskim i podzakonskim nadležnostima, bilo je neophodno pristupiti nabavci službenog automobila. Nakon ocjene da je službeni putnički automobil neophodan radi preuzimanja i upravljanja oduzetom imovinom stečenom krivičnim djelom u Federaciji Bosne i Hercegovine i svakodnevnom obilaska 43 suda i 11 tužilaštava, zbog ujednačavanja stavova oko oduzimanja nezakonito stečene imovine u Federaciji Bosne i Hercegovine i procesa predaje iste Agenciji na upravljanje, te ohrabrvanje nosioca pravosudnih funkcija za postupanje po odredbama ovog Zakona, kao i obilaska sličnih agencija u regiji radi razmjene iskustava, pristupilo se je nabavci službenog putničkog automobila. Tako je u izještajnom periodu Vlada Federacije Bosne i Hercegovine na svojoj 75. sjednici održanoj dana 03.11.2016. godine donijela Odluku o odobravanju nabavke službenog putničkog automobila za potrebe Federalne agencije za upravljanje oduzetom imovinom V. broj 1968/2016 ("Službene novine Federacije BiH", broj 87/16), te je na osnovu navedene odluke nabavljeno službeno vozilo.

**4.1.4.** Osim već sačinjenog seta pravilnika u skladu sa zakonskim i podzakonskim aktima, koji su doneseni u prvoj polovini 2016. godine i kojima se uspostavilo zakonito djelovanje Agencije, nastavljeno je sa donošenjem dodatnih pravilnika koji su u skladu sa zakonskim i podzakonskim aktima, a čije odredbe direktno utiču na rad Agencije. Tako su, između ostalog, doneseni:

- Računovodstvene politike broj 01-14-142/2016 od 17. 10.2016.godine;
- Pravilnik o javnim nabavkama Federalne agencije za upravljanje oduzetom imovinom broj 01-14-147/2016 od 17.10.2016. godine;
- Pravilnik o popisu imovine, potraživanja, zaliha i obaveza broj 01-31-148/2016 od 17.10.2016. godine;
- Pravilnik o plaćanju komisija broj 01-14-154/2016 od 19.10.2016. godine;

- Pravilnik o načinu osnivanja, utvrđivanja kriterija za ostvarivanje prava na naknadu i visinu naknade za rad radnih tijela osnovanih od strane direktora Federalne agencije za upravljanje oduzetom imovinom broj 01-14-167/2016 od 24.10.2016. godine;
- Pravilnik o upotrebi, čuvanju, uništavanju i vođenju evidencije o pečatima broj 01-34-179/2016 od 28.10.2016. godine;
- Uputstvo o koljanu računovodstvene dokumentacije broj 01-14-144/2016 od 17.10.2016. godine;
- Procedure za stvaranje obaveza broj 01-34-143/2016 od 17.10.2016. godine;
- Procedura načina i evidentiranja i plaćanja ulaznih faktura broj 01-14-145 od 17.10.2016. godine;
- Procedura o načinu korištenja automobila broj 01-34-146/2016 od 17.10.2016. godine;
- Procedure o korištenju službenih fiksnih i mobilnih telefona u Agenciji broj 01-27-153/2016 od 19.10.2016. godine.

**4.1.5.** Kako je Agencija već donijela Plan javnih nabavki, u izvještajnom periodu je sačinjen i Pravilnik o javnim nabavkama, na osnovu kojih se pristupilo procesu javnih nabavki u cilju opremanja i osposobljavanja dobijenog prostora za rad Agencije. U tom smislu provedeno je niz postupaka o javnim nabavkama koji su bili neophodni za uspostavljanje potrebnih neophodnih uslova za rad Agencije.

#### **4.2. Stvaranje uvjeta za preuzimanje imovine i upravljanje sa istom u skladu sa Zakonom**

S obzirom na to da je Agencija u prošloj godini obavjestila sve sudove i tužilaštva u Federaciji Bosne i Hercegovine da je počela sa radom sa kratkom naznakom zakonom utvrđenih nadležnosti, te da već postoje zahtjevi od istih da Agencija preuzme oduzetu imovinu, u drugoj polovini 2016. godine bilo je planirano da se nastavi sa donošenjem pravilnika, instrukcija i uputsatva kojima će se urediti pitanja procjene, skladištenja, čuvanja, prodaje i najma oduzete imovine, te uspostavljanje evidencije o imovini koja će biti data na raspolaganje Agenciji.

Osnov za donošenje ovog seta provedbenih akata sadržan u Pravilniku o postupku prodaje, najma, čuvanja i održavanja oduzete imovine V. broj: 367/2015 od 25.02.2015. godine („Službenim novinama Federacije BiH“ broj: 5/16), koji je na prijedlog Federalnog ministarstva pravde, donijela Vlada Federacije.

U skladu sa tim, Agencija je dana 27.12.2016. godine sačinila Uputstvo o uspostavi, vrsti i sadržaju evidencija o upravljanju i raspolaganju nezakonito stečenom imovinom krivičnim djelom, na koje je dobila pozitivno Mišljenje Ureda za zakonodavstvo i usklađenost sa propisima Evropske unije broj: 02-02/3-05-1186/16 od 28.12.2016. godine i postupak njegovog objavljivanja u „Službenim novinama Federacije BiH“ u toku.

Isto tako, Agencija je u prvoj polovini 2016. godine sačinila Uputstvo o načinu provođenja postupka javnog nadmetanja prodaje trajno oduzete imovine koji je stupio na snagu objavljanjem u „Službenim novinama Federacije BiH“, broj 57/16 dana 22.07.2016. godine.

Osim navedenih uputstava, Agencija je sačinila i Odluku o utvrđivanju kriterija obračuna troškova čuvanja i održavanja privremeno oduzete imovine koja je stupila na snagu 03.08.2016. godine objavljanjem u „Službenim novinama Federacije BiH“ broj 60/16.

Kako je Federalna agencija za upravljanje oduzetom imovinom već u prilici da preuzme imovinu na osnovu presuda sudova kojim je oduzeta imovina pribavljena krivičnim djelom, samim tim je dužna da sa istom upravlja u skladu sa Zakonom i provedbenim aktima. U procesu upravljanja oduzetom imovinom, jedan od prvih zadataka Agencije da izvrši stručnu procjenu oduzete imovine i da o tom obavjesti Federalno pravobraniteljstvo i sud koji je donio odluku o oduzimanju imovine. Da bi Agencija sačinila procjendbeni elaborat, koji će u većini slučajeva obuhvatati nalaz i mišljenje stalnog sudskeg procjenitelja, neophodno je da Vlada Federacije Bosne i Hercegovine doneše Odluku o utvrđivanju kriterija procjene vrijednosti trajno oduzete imovine na način kako je to utvrđeno u članu 12. stav (5) Pravilnika o postupku prodaje, najma, čuvanja i održavanja oduzete imovine (“Službene novine Federacije BiH” broj 6/16).

U skladu sa nadležnostima Agencije iz člana 31. stav (1) tačka i) Zakona o oduzimanju nezakonito stečene imovine krivičnim djelom (“Službene novine Federacije BiH” broj 71/14) kojima je utvrđena obaveza Agencije da inicira unapređenje propisa iz oblasti oduzimanja imovinske koristi pribavljene krivičnim djelom, Agencija se dana 22.11.2016. godine obratila aktom broj 01-50-220/2016 Federalnom ministarstvu pravde, kao predlagajući pomenutog Zakona i Pravilnika, sa molbom da u okviru svojih ovlasti predloži Vladi Federacije Bosne i Hercegovine donošenje i navedene Odluke kako bi Agencija mogla pravilno odrediti vrijednost oduzete imovine. U vezi sa tim, u izvještajnom periodu održan je jedan radni sastanak predstavnika Federalnog ministarstva pravde i predstavnika Agencije oko dogovora na koji način će se sačiniti prijedlog odluke za Vladu Federacije Bosne i Hercegovine, uvažavajući praksu drugih država u regiji iz te oblasti.

Postupajući po odredbama Zakona o oduzimanju nezakonito stečene imovine krivičnim djelom u Federaciji BiH, u izvještajnom periodu aktivno se radilo i na izradi Smjernica za sačinjavanje prijedloga Strategije za oduzimanje imovinske koristi pribavljene krivičnim djelom u Federaciji Bosne i Hercegovine i Akcionog plana za njezino izvršenje. Pored predstavnika Agencije, izradi Smjernica su pristupili i predstavnici federalne i kantonalnih policija, Federalne finansijske policije, Porezne uprave, Federalnog pravobranilaštva, Registra vrijednosnih papira, Komisije za vrijednosne papire, Zemljišnoknjižnog odjeljenja Općinskog suda u Sarajevu, te općinskih i kantonalnih sudova u Federaciji Bosne i Hercegovine. U izradi Smjernica značajnu pomoć pružili su i tužioći državnog odvjetništva Republike Hrvatske /USKOK/.Smjernice o postupanju se trenutno nalaze u fazi recenzija, a nakon okončavanja procesa recenzije, pristupiće se štampanju i distribuiranju svim institucijama u Federaciji Bosne i Hercegovine.

U cilju obezbeđenja preuzetog gotovog novca, zlata i drugih predmeta od vrijednosti, u izještajnom periodu Agencija je sa Union bankom d.d. Sarajevo zaključila dva ugovora i to: Ugovor o otvaranju i vođenju računa za posebne namjene – upravljanje privremeno oduzetom imovinom i Ugovor o korištenju sefa.

Takođe u izještajnom periodu Agencija je poduzela sve mjere i radnje u cilju preuzimanja vlasništva nad dionicama koje budu trajno oduzete po Zakonu, te se registrovala u centralnom sistemu Registra vrijednosnih papira.

Vezano za unaprijed navedeno, Agencija je stvorila prepostavke da na adekvatan način i u skladu sa procedurama upravlja gotovim novcem, zlatom, hartijama od vrijednosti i drugim predmetima, a koji budu oduzimani (privremeno i trajno) po odlukama svih sudova u Federaciji Bosne i Hercegovine u skladu sa Zakonom.

#### **4.3. Razvijanje odgovarajuće metodologije za prikupljanje podataka, statističkih izvještaja i drugih informacija potrebnih za provođenje stručnih analiza iz nadležnosti Agencije**

U prvim kontaktima sa sudovima i tužilaštвima u Federaciji Bosne i Hercegovine ukazano je na značaj osnivanja i djelovanja Agencije i isti su podstaknuti da dostave podatke, statističke izvještaje i druge informacije o pravomoćno okončanim postupcima za oduzimanje imovinske koristi u skladu sa Zakonom.

Kako svi sudovi i tužilaštva nisu postupili po navedenom zahtjevu Agencije, u mjesecu novembru upućen je novi dopis svim kantonalnim i općinskim sudovima, kao i kantonalnim tužilaštвima sa tabelarnim prilogom i zahtjevom za dostavljanje određene vrste podataka potrebnih za provođenje stručnih analiza iz nadležnosti Agencije, a koje su utvrđene Zakonom. S tim u vezi, sve nadležne pravosudne institucije koje su kontaktirane su uredno dostavile Agenciji tražene podatke vezane za pravomoćno okončane postupke.

Na osnovu prikupljenih informacija uspostavljena je baza podataka o pravosnažnim presudama sudova u kojima je izrečena mјera oduzimanja nezakonito stečene imovine. U izještajnom periodu izvršen je unos podataka u bazu, koja će služiti za utvrđivanje metodologije za izradu Strategije za oduzimanje imovinske koristi pribavljene krivičnim djelom u Federaciji Bosne i Hercegovine i Akcionog plana za njeno izvršenje.

#### **4.4. Uspostavljanje saradnje sa drugim nadležnim institucijama radi obuke državnih i policijskih službenika i nosilaca pravosudnih funkcija iz oblasti finansijskih istraga i oduzimanja imovinske koristi pribavljene krivičnim djelom**

**4.4.1.** Tokom tekuće godine, na osnovu utvrđenih nastavnih i pedagoških planova i programa edukacije i obuke iz nadležnosti Agencije, Planom i programom rada Agencije za 2016. godinu bilo je planirano održati pet četverodnevnih obuka iz oblasti finansijskih istraga i oduzimanja imovinske koristi pribavljene krivičnim djelom, te tom prilikom

obučiti i certificirati oko 250 polaznika obuke u skladu sa planom i programom koji je utvrdio i Centar za edukaciju sudija i tužilaca. Obuka se odnosila na službenike nadležnih institucija u Federaciji Bosne i Hercegovine koji imaju obavezu da postupaju po odredbama Zakona.

U procesu realizacije zacrtanih ciljeva u prvoj polovini godine održane su četiri obuke, a u izvještajnom periodu nastavljeno je sa planiranim aktivnostima, te su organizovane još tri obuke, i to:

- u periodu od 06.09. do 09.09.2016. godine u Brčkom je održana obuka u oblasti finansijskih istraga i oduzimanja imovinske koristi pribavljenе krivičnim djelom;
- u periodu od 07.11. do 10.11.2016. godine Agencija je na Jahorini održala obuku u oblasti finansijskih istraga i oduzimanja imovinske koristi pribavljenе krivičnim djelom, i
- u periodu od 11.10. do 13.10.2016. godine Agencija je u Konjicu održala obuku za rukovodeće službenike Sudske policije Federacije BiH u oblasti oduzimanja imovinske koristi pribavljenе krivičnim djelom, a koja će poslužiti u cilju što boljeg funkcionisanja izvršenja presuda sudova u Federaciji Bosne i Hercegovine po odredbama Zakona;

Na navedenim obukama 90 učesnika dobilo je certifikate o završenoj obuci od strane Agencije i Centra za edukaciju sudija i tužilaca.

Ključne aktivnosti obuke su se odnosile na edukaciju i obuke profesionalaca iz pravosudne zajednice, agencija za sprovođenje zakona u Federaciji Bosne i Hercegovine i drugih nadležnih subjekata iz Zakona. Radi se o predstavnicima institucija koje imaju zakonsku obavezu postupanja u okviru postupka za otkrivanje, osiguranje, privremeno oduzimanje, oduzimanje, izvršenje i upravljanje sa imovinom pribavljenom izvršenjem krivičnih djela. S obzirom na činjenicu da su obukama prisustvovali i uposleni u Agenciji, ojačani su kapaciteti Agencije jer se samo na takav način može osigurati uspostava sveobuhvatnog i efikasnog sistema za oduzimanje nezakonito stecene imovine krivičnim djelom što je jedna od preporuka iz izvještaja o napretku Bosne i Hercegovine prema Evropskoj uniji za protekle godine.

Sredstva potrebna za realizaciju ovih aktivnosti, koji su u nadležnosti Agencije i predstavljaju njene osnovne poslove utvrđene Zakonom, su obezbjedena od strane Ambasade Velike Britanije u Bosni i Hercegovini.

Tokom implemenatcije obuka, na pojedinim obukama kao gosti predavači su pozvani i predstavnici institucija izvan Bosne i Hercegovine, posebno tužioci Državnog odvjetništva Hrvatske (USKOK) te strani ekspertri iz SAD i Velike Britanije sa ciljem prijenosa iskustava u ovoj oblasti.

Osim na navedenim obukama organiziranim za sudije, pravobranioce i tužioce, uposlenici Agencije prisustvovali su i Konferenciji povodom Međunarodnog dana borbe protiv korupcije „Reformske izazovi u borbi protiv korupcije i vladavine prava na putu EU integracija“ u organizaciji Transparency International-a.

Takođe uposlenici Agencije su prisustvovali Konferenciji „Priprema odgovora na pitanja iz upitnika Evropske komisije“ koja je održana u Sarajevu.

Radi razmjene iskustava iz oblasti upravljanja oduzetom imovinom, ostvaren je kontakt i saradnja sa Agencijom za upravljanje oduzetom imovinom u Republici Srpskoj, te je ta saradnja nastavljena i u drugoj polovini 2016. godine.

Dana 01.12.2016. godine, u zgradi Agencije upriličen je prijem pojedinih tužilaca, sudija, predstavnika Ambasade Velike Britanije u Bosni i Hercegovini kao i predstavnika Agencije za upravljanje oduzetom imovinom u Republici Srpskoj radi upoznavanja sa dosadašnjim radom Agencije, te planiranim aktivnostima za narednu godinu.

Osim navedenog, na poziv Udruženja tužilaca u Federaciji Bosne i Hercegovine, Agencija je uzela puno učešće na IX Stručnom savjetovalištu tužilaca koje je održano u periodu od 28 - 30.09.2016. godine u Neumu. Agencija je uzela učešće u okviru panela „Oduzimanje imovinske koristi pribavljene krivičnim djelima“ te je u prezentaciji približen značaj obavljanja poslova iz nadležnosti Agencije. Na Savjetovalištu je od strane profesionalaca iz pravosudne zajednice (sudova, tužilaštava, agencija za provođenje zakona) potencirana potreba osposobljenja svih segmenata Agencije kako bi ista u punom kapacitetu bila dosljedan servis u provedbi svih odluka nadležnih sudova o oduzimanju nezakonito stečene imovine u Federaciji Bosne i Hercegovine, a čime bi bio upotpunjen kompletan krivično-pravni sistem u Federaciji Bosne i Hercegovine u borbi, prvenstveno protiv koruptivnih krivičnih djela, organizovanog kriminala, kao i drugih krivičnih djela, a čime bi bio pospješen standard života svih građana Federacije Bosne i Hercegovine.

**4.4.2.** S obzirom na činjenicu da po odredbama Zakona Agencija nema operativnih nadležnosti, ukoliko odlukama sudova sam postupak izvršenja sudske odluke bude povjeren službenicima Agencije u skladu sa članom 24. stav (4) Zakona, službenici Agencije će morati imati neophodnu asistenciju i podršku službenika policijskih agencija. Ta podrška bi se trebala odnositi kao na provođenje samog postupka izvršenja, tako i na prevoz do mjesta deponovanja i skladištenja pokretne imovine koja bude privremeno ili trajno oduzimana po odredbama ovog zakona, a u cilju efikasnog i bezbjednog obavljanja navedenih poslova.

S tim u vezi, u drugoj polovini 2016. godine Agencija je poslala inicijative za potpisivanje sporazuma o saradnji Sudskoj policiji Federacije BiH i Vrhovnom sudu Federacije Bosne i Hercegovine. Osim navedenim, inicijativa za potpisivanje sporazuma o saradnji poslana je i Federalnom ministarstvu unutrašnjih poslova i Ministarstvu unutrašnjih poslova Kantona Sarajevo, dok će iste inicijative biti poslate i ostalim kantonalnim ministarstvima unutrašnjih poslova u narednom periodu.

**4.4.3.** Kako bi se definirao način primjene Zakona i podstakla njegova primjena, u izvještajnom periodu održani su sastanci predstavnika Agencije sa predstvincima Kantonalnog tužilaštva Zeničko-dobojskog kantona, Kantonalnog suda u Zenici,

Općinskog suda Zenica i Ministarstva unutrašnjih poslova Zeničko-dobojskog kantona, na kojima se razgovaralo uzajamnoj saradnji Agencije i navedenih institucija.

Osim toga, u Kantonalnom tužilaštvu Kantona Sarajevo u Sarajevu održan je radni sastanak predstavnika Agencije sa predstavnicima Kantonalnog tužilaštva Kantona Sarajeva i Ambasade Velike Britanije u Bosni i Hercegovini radi razmjene dosadašnjih iskustava u primjeni Zakona od dana stupanja na snagu Zakona do danas, kao i unapređenja, te poboljšanja uvjeta dalje saradnje i razmjene podataka.

#### **4.5. Stvaranje finansijskih preduvjeta za rad Agencije**

**4.5.1.** Prihodi Agencije za 2016. godine su planirani Budžetom Federacije BiH za 2016. godinu na razdjelu 1501 - Federalno ministarstvo pravde na ekonomskom kodu 614300 - „Tkući transferi neprofitnim organizacijama - Federalna agencija za upravljanje oduzetom imovinom (“Službene novine Federacije BiH”, broj 102/15) u iznosu od 500.000 KM i u cijelosti izdvojen Agenciji Odlukom o odobravanju izdavanja sredstava “Tkući transferi neprofitnim organizacijama - Federalne agencije za upravljanje oduzetom imovinom” (“Službene novine Federacije BiH”, 15 /16).

Kako je članom 26. stav (1) Zakona o oduzimanju nezakonito stečene imovine krivičnim djelom Federacije Bosne i Hercegovine („Službene novine FBiH“, broj 71/14) utvrđeno da je Agencija samostalna federalna upravna organizacija koja ima svojstvo pravnog lica, a članom 25. stav (3) istog zakona utvrđeno da se sredstva za rad Agencije obezbjeđuju u Budžetu Federacije Bosne i Hercegovine, stečeni su uvjeti da se sredstva za rad Agencije obezbjede istovjetno kao i svim drugim federalnim organima uprave koji se finansiraju iz Budžeta Federacije Bosne i Hercegovine, tj. kao samostalnog budžetskog korisnika.

Uvidom u dokumentaciju o osnivanju, djelovanju i finansiranju Agencije može se konstatirati da je Agencija ispunila sve uvjete iz člana 4. tač. 1., 2. i 3. Pravilnika o utvrđivanju i načinu vođenja Registra budžetskih korisnika Budžeta u Federaciji Bosne i Hercegovine („Službene novine Federacije BiH“, broj 30/14) za upis u Registar budžetskih korisnika Budžeta u Federaciji Bosne i Hercegovine.

Shodno navedenom, dana 18.05.2016. godine Agencija se obratila pismenim zahtjevom Federalnom ministarstvu finansija – Federalnom ministarstvu financija i priložila popunjenoj Obrazac RBK da u skladu sa članom 4. navedenog Pravilnika za Agenciju utvrdi status budžetskog korisnika i na osnovu člana 7. stav (4) istog Pravilnika, da saglasnost za upis Agencije u Registar budžetskih korisnika Budžeta u Federaciji Bosne i Hercegovine. Do trenutka podnošenja ovog izještaja Federalno ministarstvo finansija – Federalno ministarstvo financija nije dalo odgovor na navedeni zahtjev.

**4.5.2.** S obzirom na činjenicu da su neki sudovi već iskazali potrebu da Agencija preuzme nezakonito stečenu imovinu, Agencija se dana 04.05.2016. godine obratila Federalnom ministarstvu finansija – Federalnom ministarstvu financija sa zahtjevom za određivanje stavke prihoda dobijenih primjenom odredaba Zakona radi adekvatnog

vođenja evidencija, vršenja analiza i adekvatne statistike iz ove oblasti, a što je i zahtjev Evropske direktive vezano za vođenje urednih statistika o oduzimanju imovinske koristi.

Aktom broj: 05/07-14-4-3176/16 od 18.05.2016. godine Federalno ministarstvo finansija – Federalno ministarstvo financija obavjestilo Agenciju da je zahtjev prihvaćen, te da će u tom smislu u narednim dopunama Pravilnika o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine („Službene novine Federacije BiH“, broj 33/16), u poglavlju V „NOVČANE KAZNE“ 20.1.1. „Novčane kazne po federalnim propisima“ objaviti i novu vrstu prihoda 723143 – „Novčana sredstva po osnovu primjene Zakona o oduzimanju nezakonito stečene imovine krivičnim djelom Federacije Bosne i Hercegovine – ZONSIKD“. Istim dopisom, Federalno ministarstvo finansija – Federalno ministarstvo financija je dalo na znanje da će u skladu sa tačkom 24.6. navedenog pravilnika obavjestiti banke o prihvatu uplata pod navedenom vrstom do objave dopuna Pravilnika u „Službenim novinama Federacije BiH“.

**4.5.3. Obezbjedenjem navedenih finansijskih sredstava u visini od 500.000,00 KM stvoreni su uvjeti za pravilno i zakonito vođenje materijalnog i finansijskog poslovanja Agencije.**

Na osnovu odobrenih sredstava Budžetom Federacije Bosne i Hercegovine za 2016. godinu, direktor Agencije donio je Finansijski plan Agencije broj: 06-05-7/2016 od 03.02.2016. godine na koji je Vlada Federacije Bosne i Hercegovine dala saglasnost Odlukom V. broj: 441/2016 („Službene novine Federacije BiH“, broj 15/16). Planirani prihodi Agencije namjenjeni su za finansiranje plaća, doprinosa i naknada troškova zaposlenih, zatim tekućih izdataka i materijalnih troškova, te nabavku i održavanje stalnih sredstava.

Računovodstveno-finansijski poslovi za potrebe Agencije u 2016. godini vršeni su nastavkom zaključenog ugovora o djelu sa fizičkim licem navedene struke.

**4.5.4. Pregled odobrenih i utrošenih sredstava iz transfera na dan 31.12.2016. godine**

#### I Prihodi i primici

Ekonomski kod	Opis	Iznos
7321	Primljeni tekući transferi od ostalih nivoa vlasti (preostali dio iz 2015 godine)	22.859 KM
7321	Primljeni tekući transferi od ostalih nivoa vlasti (Federalno ministarstvo pravde)	500,000 KM
	<b>Ukupno:</b>	<b>522.859 KM</b>

## II Rashodi i izdaci

Ekonomska kategorija	Opis	Izvršenje za period 01.07- 31.12.2016.
1	2	3
	<b>UKUPNO RASHODI I KAPITALNI IZDACI</b>	<b>216.475</b>
	<b>UKUPNO RASHODI</b>	<b>129.386</b>
6111	<b>Bruto plaće i naknade</b>	<b>48.386</b>
6112	<b>Naknade troškova zaposlenih</b>	<b>5.021</b>
	- naknada za prevoz	1.166
	- naknada za topli obrok	3.436
	- regres	419
6121	<b>Doprinosi poslodavca</b>	<b>5.080</b>
6131	<b>Putni troškovi</b>	<b>1.503</b>
	- troškovi dnevница u zemlji	950
	- troškovi smještaja za služb.putovanja u zemlji	553
6132	<b>Izdaci za energiju</b>	<b>1.406</b>
	- izdaci za električnu energiju	582
	- izdaci za centralno grijanje	824
6133	<b>Izdaci za komunikaciju i komunalne usluge</b>	<b>2.806</b>
	- izdaci za telefon	590
	- izdaci za internet	493
	- izdaci za mobilni telefon	739
	- poštanske usluge	711
	- izdaci za vodu i kanalizaciju	37
	- izdaci za održavanje čistoće	131
	- izdaci za deratizaciju	105
6134	<b>Nabavka materijala i sitnog inventara</b>	<b>11.464</b>
	- izdaci za obrasce i papir	398
	- izdaci za kompjuterski materijal	2.975
	- sitan inventar	4.172

	- kancelarijski materijal - ostali administrativni materijal	3.340 579
6135	<b>Izdaci za usluge prijevoza i goriva</b>  - izdaci za gorivo - izdaci za registraciju motornih vozila	1.870  773 1.097
6136	<b>Unajmljivanje imovine, opreme i nematerij. imovine</b>  - zakupnina za poslovni prostor - zakup sefa	9.479  8.479 1.000
6137	<b>Izdaci za tekuće održavanje</b>  - izdaci za održavanje opreme - izdaci za održavanje poslovnog prostora - izdaci za održavanje vozila	3.904  497 3.324 83
6138	<b>Izdaci za osiguranja, bankarskih usluga i usl.pl.pr</b>  - osiguranje vozila - osiguranje zaposlenih - izdaci za bankarske usluge	2.172  1.260 420 492
6139	<b>Ugovorene i druge posebne usluge</b>  - usluge javnog informisanja(konk.oglaši) - usluge reprezentacije - izdaci za komisije - porezi i doprinosi za komisije - ugovori o djelu neto - porezi i doprinosi na ugovore o djelu - posebna naknada za zaštitu od prir.i dr.nesreća - izdaci za fizičko osiguranje objekta - ostale usluge i dadžbine,i takse	36.295  3.390 2.651 1.360 309 23.140 4.071 277 541 556
	<b>UKUPNO KAPITALNI IZDACI</b>	<b>87.089</b>

8213	<b>Nabavka opreme</b>  - <b>Kancelarijski namještaj</b> (radni stolovi, stolice, ormari, ormari sigurnosni metalni, ladičari)  - <b>Kompjuterska oprema</b> (računari, printeri i kopir aparat)  - <b>Motorna vozila</b> (putničko vozilo)  - <b>Oprema za prenos podataka i glasa</b> (telefonska centrala, fiksni telefoni, tv)	<b>86.504</b>  34.375  5.487  44.994  1.648
8215	<b>Nabavka stalnih sredstava u obliku prava</b>  - Softver za robno materijalno knjigovodstvo	<b>585</b>  585

• **Bruto plaće**

Bruto plaće i naknade i doprinosi poslodavca su realizovne za period 01.07-31.12.2016. u iznosu od 53.466,00 KM što se odnosi na neto plaću (30.876 KM), i poreze i doprinose (22.590 KM).

U periodu od 01.01.2016. do 31.08.2016. godine u Agenciji je bio zaposlen samo direktor, a na dan 31.12.2016. godine Agencija je imala sedam zaposlenih.

Proces zapošljavanja je išao postepeno tako da je:

- na dan 30.09.2016. godine broj zaposlenih - četiri;
- na dan 31.10.2016. godine broj zaposlenih - četiri;
- na dan 30.11.2016. godine broj zaposlenih - pet, i
- na dan 31.12.2016. godine broj zaposlenih - sedam.

Struktura zaposlenih je sljedeća:

- direktor - jedan;
- načelnik - jedan;
- državni službenika - dva, i
- namještenika - tri.

Obračun plaća, naknada plaća i poreza i doprinsosa izvršen je u skladu sa odredbama Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, br. 45/10 i 111/12).

- **Naknade troškova zaposlenih**

Naknade troškova zaposlenih ostvarene za period 01.07- 31.12.2016. godine iznose 5.021,00 KM i odnose se na naknade za topli obrok (3.436,00 KM), prevoz (1.166,00 KM) i regres (419,00 KM).

- **Putni troškovi**

Ukupno ostvareni putni troškovi za period 01.07- 31.12.2016. godine iznose 1.503,00 KM. Ukupni troškovi se odnose na putne troškove u zemlji, troškovi dnevница (950,00 KM) i smještaja (553,00 KM). Službena putovanja su realizovana u svrhu prisustvovanja raznim stručnim seminarima, radionicama i saradnji sa nadležnim institucijama u Bosni i Hercegovini po pitanju prakse preuzimanja i upravljanja oduzetom imovinom stečenom krivičnim djelom.

- **Izdaci za energiju**

Ukupno ostvareni izdaci za energiju za period 01.07- 31.12.2016. godine iznose 1.406,00 KM i odnose se na utrošak električne energije (582,00 KM) i centralno grijanje (824,00KM).

- **Izdaci za komunikaciju i komunalne usluge**

Izdaci za komunikaciju i komunalne usluga za period 01.07- 31.12.2016. godine iznose 2.806,00 KM i odnose se na: fiksni telefon (590,00 KM), mobilni telefon (739,00 KM), izdatke za internet (493,00 KM), poštanske usluge (711,00 KM), izdaci za vodu i kanalizaciju (37,00 KM), održavanje čistoće (131,00 KM) i izdaci za deratizaciju (105,00 KM).

Agencija je troškove službenog fiksnog telefona i mobitela u potpunosti prilagodila u skladu sa Zaključkom Vlade Federacije broj 456/2015 od 14.04.2015. godine.

- **Nabavka materijala i sitnog inventara**

Na ovoj poziciji je iskazana realizacija za period 01.07- 31.12.2016. godine u iznosu od 11.464,00 KM, a odnosi se na izdatke za obrasce i papir, kompjuterski materijal, uredski materijal i ostali administrativni materijal (7.292,00 KM) i sitan inventar (4.172,00 KM).

- **Izdaci za usluge prijevoza i goriva**

Ukupni izdaci na ovoj poziciji za period 01.07- 31.12.2016. godine iznose 1.870,00 KM a odnose se na utrošak goriva (773,00 KM) i registraciju motornog vozila (1.097,00 KM).

- **Unajmljivanje imovine, opreme i nematerijalne imovine**

Na ovoj poziciji ukupni izdaci za zakupninu iznose 9.479,00 KM. Agencija je skloplila ugovor o zakupu poslovnog prostora sa JP Željeznice FBIH 01.09.2016. godine i izdaci za zakup poslovnog prostora na dan 31.12.2016. godine iznose 8.479 KM. Takođe je sklopljen ugovor sa Union bankom za zakup sefa u iznosu 1.000,00 KM.

- **Izdaci za tekuće održavanje i rekonstrukciju poslovnog prostora**

Izdaci na ovoj poziciji za period 01.07- 31.12.2016. godine iznose 3.904,00 KM, a odnose se na: izdatke za održavanje opreme (497,00 KM), izdatke za održavanje poslovnog prostora (3.324,00 KM) i izdatke za održavanje vozila (83,00 KM).

- **Izdaci za osiguranja, bankarskih usluga i usluga platnog prometa**

Izdaci na ovoj poziciji za period 01.07- 31.12.2016. godine iznose 2.172,00 KM a odnose se na osiguranje vozila (1.260,00 KM), osiguranje zaposlenih (420,00 KM) i bankarske usluge u iznosu od 492,00 KM.

- **Ugovorene usluge i druge posebne usluge**

Izdaci za ugovorene usluge u izvještajnom periodu ostvareni su u iznosu od 36.295,00 KM. Najveći dio ove stavke odnosi se na ugovore o djelu neto (23.140,00 KM) i poreze i doprinose na ugovore o djelu (4.071,00 KM), s obzirom na činjenicu da je Agencija jedan dio izvještajnog perioda imala samo jednog uposlenika, tj. direktora, te da je bio neophodan dalji angažman po osnovu ugovora o djelu zbog obavljanja redovnih poslova u Agenciji, a kasnije zbog uvođenja u posao nedovoljnog broja novoprimaljenih uposlenika.

Ostatak izdataka se odnosi na: usluge javnog informisanja (objava oglasa), usluge reprezentacije, izdaci za komisije, porezi i doprinosi za komisije, posebne naknade za zaštitu od prirodnih i drugih nesreća, izdaci za fizičko osiguranje objekta i ostale usluge i dadžbine, i takse.

U drugoj poljivini 2016. godine produžena su tri ugovora o djelu sa stručnim licima radi učešća u aktivnostima koje se odnose na uspostavljanju rada Agencije i produžavat će se do sticanja uvjeta za zapošljavanje državnih službenika i namještenika, odnosno do osposobljavanja istih za samostalan rad Agencije.

Izvršioci su kvalitetno, stručno, efikasno i u predviđenim rokovima koji je utvrdio Naručilac pružali stručnu pomoć i uzeli aktivno učešće u:

- vršenju početnih aktivnosti prilikom oduzimanja i upravljanja nezakonito stečenom imovinom;
- izradi ugovora;
- sačinjavaju prijedloga provedbenih akata za uspostavljanje rada Agencije;
- pripremanju pisama i obrazloženja na akta Agencije koja se dostavljaju Vladi Federacije i drugim federalnim organima uprave za dobijanje saglasnosti, mišljenja i slično;

- pružanju pravnih savjeta i usluga kod uspostavljanja rada Agencije;
- pripremanju pisama za ostvarivanje komunikacije sa drugim federalnim organima radi uspostavljanja rada Agencije;
- izradi prijedloga Plana rada Agencije za 2017.godinu;
- prikupljanju podataka, statističkih izvještaja i drugih informacija iz pravosnažno okončanih postupaka za oduzimanje imovinske koristi;
- izradi analiza o pravosnažno okončanim predmetima na sudovima u Federaciji u kojima je izrečena mjera oduzimanja imovinske koristi pribavljenе krivičnim djelom.
- izradi izvještaja, procjena i studija u oblasti oduzimanja nezakonito stečene imovine u Federaciji;
- pripremi godišnjeg plana i programa obuke državnih i policijskih službenika i nosioca pravosudnih funkcija;
- pripremi finansijskog plana Agencije za 2017.godinu;
- pripremi plana javnih nabavki roba i usluga i potrebne dokumentacije i drugih akata od značaja za pokretanje i provođenje procedura javnih nabavki;
- praćenju realizacije finansijskog plana Agencije za 2016.godinu i kontrolu zakonitosti trošenja sredstava;
- kontiranju i knjiženju svih poslovnih promjena u finansijskom knjigovodstvu (glavna knjiga sa analitičkim evidencijama);
- obračunu plaća i naknada uposlenika te naknada po ugovorima o djelu,komisije
- izradi periodičnih izvještaja, godišnjeg obračuna kao i svih izvještaja u sklopu navedenih obračuna;
- sastavljanju izvještaja o godišnjim primanjima uposlenika i njihovoj dostavi nadležnim službama;
- pružanju usluga organizacije i kontrole finansijskog i blagajničkog poslovanja;
- pružanju konsultanskih usluga iz oblasti računovodstva;
- pružanju usluga na realizaciji planirane organizacije rada računovodstvene službe;
- vršenju administrativno-tehničkih, kurirskih i arhivskih usluga.

• **Kapitalni izdaci**

Ukupni kapitalni izdaci ostvareni za period 01.07-31.12.2016. godine iznose 87.089,00 KM, a odnose se na nabavku opreme:

<b>Kancelarijski namještaj</b> (radni stolovi, stolice,ormari,ormari sigurnosni metalni,ladičari)	34.375,00KM
<b>Kompjuterska oprema</b> (računari, printeri i kopir aparat)	5.487,00 KM
<b>Motorna vozila</b> (putničko vozilo)	44.994,00 KM
<b>Oprema za prenos podataka i glasa</b>	1.648,00 KM

(telefonska centrala,fiksni telefoni, tv)

**Nabavka stalnih sredstava u obliku prava** 585,00 KM  
-Softver za robno materijalno knjigovodstvo

• **Javne nabavke**

Agencija je u izvještajnom periodu provela postupke javnih nabavki u skladu sa Zakonom o javnim nabavkama („Službeni glasnik BiH“, broj 39/14), Pravilnikom o postupku direktnog sporazuma u Federalnoj agenciji za upravljanje oduzetom imovinom broj: 14/2015 od 30.06.2015. godine i Planom nabavki za 2016. godinu.

Proведен je jedan pregovarački postupak bez objave obavještenja za nabavku kancelarijskog namještaja, te jedan konkurenčki zahtjev za dostavljanje ponuda za nabavku službenog putničkog automobila u skladu sa Odlukom Vlade Federacije Bosne i Hercegovine o odobravanju nabavke službenog putničkog automobile za potrebe Federalne agencije za upravljanje oduzetom imovinom V. broj 1968/2016 („Službene novine Federacije BiH“, broj 87/16).

Što se tiče postupaka nabavke roba i usluga manjih vrijednosti provedeni su direktni postupci od kojih je značajno spomenuti zaključene ugovore za tehničku zaštitu poslovnog prostora, ugovore o pružanju usluga zaštite od požara, ugovore o nabavci kompjuterske opreme i internet umrežavanja, ugovore o nabavci kancelarijskog materijala i slično.

U periodu juli-decembar 2016. godine odobrena finansijska sredstva su trošena vrlo racionalno i izvršavanje najnužnijih poslova prilagođenih trenutnim potrebama Agencije.

U ovom periodu strogo se vodilo računa da svi račuovodstveni poslovi budu tačni, uredni, istiniti, pouzdani i zaštićeni od bilo kakvih protuzakonitih aktivnosti. Praćeni su propisi iz oblasti računovodstva i finansija u cilju njihove blagovremene primjene i osiguranja što boljih uvjeta za neometan rad Agencije.

**4.6. Izvještavanje Vlade Federacije, a po potrebi i Parlamenta Federacije kao i cjelokupne javnosti o procesima oduzimanja i upravljanja nezakonito stekljenom imovinom**

Na osnovu člana 29. Zakona Agencija je dužna svakih šest mjeseci podnijeti izvještaj o radu i finansijsko-materijalnom poslovanju Vladi Federacije koja ga dostavlja Parlamentu Federacije Bosne i Hercegovine na usvajanje.

Imajući u vidu navedenu zakonsku odredbu, Agencija je Vladi Federacije, radi razmatranja i upućivanja Parlamentu Federacije Bosne i Hercegovine na razmatranje i usvajanje, aktom broj 04-14-58/2016 od 22.07.2016. godine dostavila Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 01.01-30.06.2016. godine.


S obzirom na značaj poslova koje su joj zakonom date u nadležnost, Agencija je bila transparentna u svom radu i otvorena za saradnju sa svim međunarodnim i domaćim institucijama koje imaju doticaj sa nezakonito stečenom imovinom krivičnim djelom. Rezultat toga je uspostavljena jako dobra saradnja sa Ambasadom Velike Britanije, Ambasadom Republike Italije, USAID-om, Agencijom za upravljanje oduzetom imovinom Republike Srpske, Centrom za edukaciju sudija i tužilaca, Sudskom policijom Federacije Bosne i Hercegovine, Poreskom upravom Federacije Bosne i Hercegovine, Registrom vrijednosnih papira Federacije Bosne i Hercegovine, Vrhovnim sudom Federacije Bosne i Hercegovine, svim sudovima i tužilaštima u Federaciji Bosne i Hercegovine, Federalnim ministarstvom unutrašnjih poslova i kantonalnim ministarstvima unutrašnjih poslova na području Federacije Bosne i Hercegovine, kao i drugim institucijama.

Posebna pažnja je poklonjena publiciranju aktivnosti Agencije vezane za provedbu Zakona kako bi sve relevantne strukture bosensko-hercegovačkog društva kao i međunarodne zajednice imale uvida u učinkovitost Agencije u realizaciji zadataka zbog kojih je i osnovana. Obavještavanje javnosti o radu Agencije vršilo se putem medija kao uspostavljenjem web stranicom Agencije.

## 5. FAKTORI USPJEHA RADA I RIZICI

**5.1.** Imajući u vidu da je Agencija do 01.09.2016. godine imala jednog uposlenog te i okolnosti pod kojim je radila, bez adekvatnog poslovnog prostora, bez uposlenika, a da je od 01.09.2016. godine Agencija rješila pitanja prostora, zapošljavanje dva državna službenika i jednog namještenika, te opremanje prostora, može se zaključiti da je Agencija u vrlo kratkom periodu u cijelosti ostvarila planirane aktivnosti.

Do kraja 2016. godine primjen je još jedan državni službenik i dva namještenika tako da je Agencija zaključno sa 31.12.2016. godine, u odnosu na sistematizaciju bila popunjena 32 %.



S obzirom na to da je dosadašnjim radom Agencija stvorila relativno dobre prepostavke za preuzimanje i upravljanje oduzetom imovinom, bitno je istaći da je za zakonito, efikasno i stručno obavljanje poslova po principu dobrog domaćina, odgovornosti, predvidivosti i uspješnog rukovođenja Agencijom, bitno dodatno

upošljavanje određenog broja ljudi visokih stručnih sposobnosti, spremnih za sticanje novih znanja i snalaženja u nepredviđenim okolnostima, kako bi Agencija na adekvatan način odgovorila na zahtjeve sudova i tužilaštava, te obavljala poslove koji su joj Zakonom stavljeni u nadležnost.

**5.2.** Kako je upravljanje oduzetom imovinom relativno nova oblast na ovim područjima, Agencija je u izvještajnom periodu maksimalno dala doprinos obrazovanju ljudskih potencijala u ovoj oblasti kako bi se ostvarila stručna znanja iz datog područja. To će se direktno odraziti na budući rad Agencije jer navedenim edukacijama, pravobranioci, tužioци i sudije stekli su znanja na koji način u praksi da koriste oduzimanje imovinske koristi stečene krivičnim djelom kao vid suzbijanja korupcije i svakog drugog kriminalnog djelovanja, te se u narednom periodu očekuje znatno povećanje broja sudske odluka o privremenom i trajnom oduzimanju imovine.

**5.3.** Krajem izvještajnog perioda Agencija je zaprimila samo dvije presude i to:

- od Kantonalnog Suda u Travniku koja se odnosi na oduzetu imovinsku korist u vrijednosti od 900 KM i
- nepravomoćnu presudu Kantonalnog Suda u Sarajevu vezano za trajno oduzimanje dionica, po kojima će Agencija postupati u prvoj polovini 2017. godine.

Koliko je Agencija ostvarila zakonom datu nadležnost u smislu upravljanja oduzetom imovinom zavisilo je prije svega od dinamike donošenja sudske i tužilačke oduka vezanih za pitanja oduzimanja imovinske koristi stečene krivičnim djelom u Federaciji Bosne i Hercegovine, jer uloga Agencije i jeste da bude svojevrsan servis pravosudnim tijelima, te da im olakša postupanje sa nezakonito stečenom imovinom.

Za uspješan rad u tekućoj godini bitno je da je Vlada Federacije odobrila izdvajanje cijelokupnog iznosa od 500.000,00 KM sa računa Federalnog ministarstva pravde na račun Agencije, a koja su planirana za rad Agencije u Budžetu Federacije Bosne i Hercegovine za 2016. godinu („Službene novine Federacije BiH“, broj 102/15).

Imajući u vidu okolnosti pod kojim je Agencija radila u izvještajnom periodu može se zaključiti da je Agencija u vrlo kratkom periodu u cijelosti ostvarila planirane aktivnosti i vrlo povoljnu međunarodnu saradnju koja će joj biti od velike koristi za rad u narednim godinama. Isto tako treba istaći da je Agencija djelovala na profesionalan i odgovoran način, dosljedno primjenjujući Zakon. U svom radu je nastojala da bude vrlo transparentna i otvorena za sve institucije i uvijek bila dostupna da informacije javnosti o svom djelovanju. Na kraju, može se kazati da je Agencija sa 31.12.2016. godine u skladu sa finansijskim mogućnostima i kadrom kojim je raspolagala, uspostavila dobre pravne, kao i materijalno tehničke uvjete za uspješan rad u narednoj godini.

Broj:01-05-18/2017  
Sarajevo, 09.01.2017. godine

